

1594

h^c Carl 17 12

LA VRAIE
CONFRERIE
SELON LA PAROLE
de Dieu & des Saints
Peres.

Collof. 3.

Quelque chose que vous faciez, soit par parole, ou
par œuvre, faites tout au nom de nostre Seigneur
Iesus Christ, rendans graces par luy à nostre Dieu
& Pere.

Le Sage escouterà & aura plus de doctrine.

Le commencement de science est la crainte de Dieu,

Et congnoistre les choses saintes est prudence,

Mais les fols mesprisent sapience & instruction.

Prouerbes 1.2.



1594

THE NEWBERRY
LIBRARY

AD LECTOREM.

*Totus aureus est libellus iste,
Qui sanctè docet & docet politè
Quid sint fratria, cum quibus coiri
Debent, quid cupiat petatque Christus.
Hunc totum, lege, ter, quaterque, disce,
Hoc lecto melior breui futurus.*

F. D.

*Qui veut monter au Ciel lize cest exemplaire,
Il verra le chemin qu'un Chrestien doit tenir:
Enseigné qu'il se faut à Jesus-Christ unir,
Qui est aymé du Fils, au Pere pourra plaire.*

*Prenons donc de ce Fils la robe salutaire,
Ainsi vestus au Ciel nous pouvons parvenir:
Et reconnus de Dieu nostre grace obtenir,
La robe du seul Fils est connue du Pere.*

*Espoir du vray Chrestien, assuré fondement,
Nos ames en toy seul auront contentement,
Mais pendant que vivrons nous devons aparoirre.*

*Dignes freres de toy, par l'œuvre que produit
La Foy nostre vray seau: car on ne peut cognoistre
Que l'arbre sera bon s'il ne monstre son fruit.*

L. F.



LA VRAYE CONFRERIE,

SELON LA PAROLE

de Dieu & des saints Peres.

E O V R Chrestien doit scauoir, Que Heb. 1. v. 1. Gen. 3. v. 15. Deut. 18. v. 15.
 Dieu ayant jadis parlé à nos Peres par
 les Prophetes à plusieurs fois & en plusieurs
 manieres, les assurens de l'effect de sa pro-
 messe à nos premiers parens, qu'il susciteroit
 vn Prophete du milieu de leurs freres. Il a en
 ces derniers iours parlé à no^r par ce grād Pro- Heb. 1. v. 12.
 phete promis, Iesus Christ son fils bien aymé.

Lequel n'a pas prins la nature Angelique, Ibid. 2. v. 16. 17.
 mais l'humaine, afin d'estre fait semblable en
 toutes choses à ses freres, hors peché. Heb. 4. v. 15.

C'est pourquoy saint Paul dit, Que Iesus Heb. 2. v. 11.
 Christ qui sanctifie, & ceux qui sont sancti-
 fiez sont tous d'un, pour laquelle cause, il ne
 prend point à honte de les appeller freres, di-
 sant, l'annonceray ton nom à mes freres. Mat. 23. v. 8.

Tous les Apostres appellent les Chrestiens
 freres: & n'ont tenu, ne enseigné autre reigle,
 ne Confrerie que celle de Iesus Christ, lequel
 dit, que nous sommes tous freres. Mat. 23. v. 8.

Et pource, toutes autres reigles, sectes &
 confreries, doiuent estre rejettees: car elles cō-
 tiennent plus, ou moins, que celle de Iesus

Christ, ou changent quelque chose d'icelle.

Par conséquent, ceux qui les ont inuentees & en sont confreres, pensans mieux ou plus faire que Iesus Christ, se disent plus sages & parfaicts que luy, & que les Apostres, mais cuydants estre sages ils sont deuenus fols comme dit saint Paul.

Rom. 1.
v. 12.

Dieu dit à telles gens, Mes pensees, ne sont point vos pensees: ne mes voyes, vos voyes: car comme les cieux sont plus hauts que la terre, ainsi sont pl^e hautes mes voyes que vos voyes, & mes pensees que vos pensees.

Isaie 55.
v. 8.

Pource, dit-il, que ce peuple ma feruy selon les commandemens & doctrine des hommes, ie le feray esmerueiller par vn miracle grand & merueilleux, car la sapience des sages perira, & l'entendement des prudets sera aneanty.

Isaie 29.
v. 13. 14.

Or pource que ce seroit vn labirinte de particulariser les sectes, regles & confreries forgees de tout temps par les hommes, mesmes en ces derniers iours, il les faut en general abolir, & mesme celle qu'ils appellent des penitens, dont il y-a de toutes couleurs, comme elle fut avec d'autres, au Concile de Lyon, tenu en l'an 1273. ou assisterent cinq cens Euesques, septante Abbez & mil Prelats.

Aul. des
Conciles
de Iean le
Maire &
Guillau-
me Mau-
gis.

Car outre ce qu'elle est aussi bien que les autres sans fondement de la parole de Dieu, elle est extraicte des Payens idolatres, & de leurs prestres qui se picquoient de cousteaux

S. Aug. ci-
uitate Dei
c. 10.
Et Sene-
que.

& lancettes & se battoient, faisant sortir du sang de leurs corps en l'honneur de leurs Dieux.

Et de ceux de Baal qui faisoient le semblable quant ils prioient leur Dieu Baal. I. Rois 18. v. 28.

En l'an 1350. il s'esleua en Allemagne vne troupe de penitens appelez les blancs, qui furent excommuniez par le Pape, & dissipez par l'Empereur. Hist. de Monst. en sa cosmographie.

Jamais n'y eut plus grands prescheurs de penitence que, Iesus Christ, saint Iean Baptiste, & les Apostres, disans, amendez vous & croyez à l'Euangille. Mat. 3. v. 2 & au c. 4. v. 17.

Les Iuifs qui l'auoient crucifié, demandent aux Apostres que feroins nous? ils leur respondent seulement, amendez vous, qu'un chacun soit baptisé en la remission des pechez, & vous receurez le saint Esprit. Act. 2. v. 37. 38.

Ceux qui receurent la parole, furent trois mil personnes, lesquels ne firent pas des regles, sectes & congeries à part d'avec les Apostres & le peuple Chrestien. Ibid. v. 41.

Ils ne se desguisoient pas d'habits, ne se bouchoient comme masques, ne se fouettoient & n'alloient nuds pieds & en chemise, ne portoient crucifix, torches, ne flambeaux pensans mieux, ou plus faire, que les autres Chrestiens pour penitence & satisfaction de leurs pechez & acquerir par là plus grand degré de gloire & perfection.

Ains estoient tous habillez à l'usage com-

Ibid.v.42.

44.

Ibi.A&es

10.v.34.

1. Cor. 4.

v.12.

2. Teſſ. 2.

v.30.

mun, & ſe trouuoient és aſſemblees publiques, perſeuerans en la doctrine des Apoſtres, en la fraction & communiõ du pain, & en oraiſons, & apres retournoient en leurs maiſons viuans de leur labeur.

La croix qu'ils portoitẽ eſtoit, non en leurs mains, mais en leur cõeur, mortifiant la concupiſcence de leur chair.

Les flambeaux qu'ils portoient, eſtoient, non de cire, mais de bonnes ceuures operantes par charitẽ.

Luc 15.

v.10.

La remiſſion des pechez ; ne s'obtient pas ſans penitence; mais la vraye penitence ne cõſiſte pas en ces regles & confreries, deſguyſemens d'habits, fouëttemens, torches, flãbeaux & telles autres choſes. Mais conſiſte en la cõuerſion du cõeur de mal au bien, dont les Anges ſe reſiouyſſent.

Luc 3.

v.10.

Sainct Iean Baptiſte preſchant la penitence, les troupes l'interroguerent, diſans: que ferons nous?

Ibi.v.11.

Il leur reſpondit auſſi ſeulement, Que celui qui a deux robbes, en eſlargiſſe à celui qui n'en a point, & qui a à manger face le ſemblable.

Ibi.v.12.

Aux peagers, il leur dit, N'exigez rien outre ce qui vous eſt ordonnẽ.

Ibi.v.13.

Aux gens d'armes, N'uſez point de concuſſions, ne circonueniez perſonne, contentez vous de vos gages.

Pſe. 51.

v.18.19.

Dieu ne prend point plaiſir en holocauſte,

mais en vn cœur contrit & humilié.

Le ne vous ay rien commandé, dit-il, des hosties & sacrifices, mais seulement d'escouter ma voix, ie veux obeyssance & non sacrifice.

1. Samuel

15. v. 22.

Matt. 9.

v. 13.

In plag.

grand.

Sainct Gregoire Nazianzene, dit, Dieu requiert seulement de nous, ce sacrifice de purification, qui est vn cœur contrit, sacrifice de louange, & estre nouuelle creature en Iesus Christ.

Les Prophetes font mention que ceux qui se repentoient, vsoient de pleurs & ieusnes, ayans vn sac & des cendres sur la teste, mais ils ne faisoient secte, regle, ne confrerie, & ce sac & cendres n'estoiēt ordinaires ne perpetuels, ains seulement ceremonies qui ne sont plus en vſage.

Et quant aux pleurs & ieusnes, ils conuiennent encores tresbien, pour mōstrer que nous auons meritē l'ire de Dieu, mais il ne faut pas s'arrester là, car il faut rompre le cœur & non les vestemens.

Isaie 2.

v. 13.

Le ieusne sert aussi pour disposer nostre esprit à faire prieres, lesquelles ne peuuēt estre agreables à Dieu, si elles ne procedent de l'esprit & du cœur.

Dieu dit, Voicy vos ieusnes sont en procès & contentions, & frappez du poing mauuaise-ment, est-ce le ieusne que i'ay esleu, àſcauoir que l'homme traueille son ame par iour, & ploye son chef comme vn cercle? estendant le sac & la cendre, appelez-vous cela ieusne &

Isaie 58.

v. 4.

iour acceptable au Seigneur? N'est-ce pas plus tost icy le ieufne que j'ay esleu, que tu desnouës les nœuds de meschanceté, que tu deslies les fardeaux qui poisent, que tu laisses aller les frâcs, ceux qui sont foullez, & que vous rompiez tout cordage.

Ibid. v. 7.

Brise ton pain à celuy qui a faim, & faicts venir en ta maison les pauvres vagans : quand tu voys celuy qui est nud, couure le, adonc ta lumiere se mettra hors comme le matin, & ta santé se leuera incontinent, ta iustice ira deuant toy, & la grace du Seigneur te recueillera, alors tu inuoqueras le Seigneur, & le Seigneur t'exaucera, tu crieras, & il dira me voicy.

Il dit encores contre ces faiseurs de regles, sectes & confreries, voulans seruir Dieu selon leur fantaisie.

Ibi. v. 13.

Si tu retires ton pied du sabbath, pour non faire ta volonté en mon saint iour, & que tu appelles le sabbath delices pour le sanctifier au Seigneur glorieux, & que tu le glorifie, ne faisant point tes voyes, & que ta volôté ne soit point trouuee, & n'vse point de tes paroles, alors tu auras resiouyssance au Seigneur, & te feray monter par dessus les hauts lieux de la terre, & te donneray à manger l'heritage de Iacob ton pere, car la bouche du Seigneur l'a dit.

En l'an mil trente, il s'esleua en France vne secte, appelée les ieufneurs, qui n'auoient leu ou retenu ce que dessus du Prophete.

Car

Car ils disoient, qu'il leur auoit esté reuelé du Ciel, que le ieusne du vendredy au pain & à l'eauë, estoit suffisant pour impetrer la remission de tous pechez; mais l'Euesque de Cambray nommé Girard, abolit ceste secte.

Il ny a rien qui nous r'allie plus avec Dieu, qu'un cœur penitent & humilié, par la confession & sentiment cōtinuël de nos pechez, & deuous dire avec le Publicain, Sois propice Seigneur, à moy pauvre pecheur.

Et avec Daniel, nous auons peché, & auons Daniel 9. fait iniquité, & auons tousiours contrarié à v. 5. tes commandemens.

Ainsi, quant tu auras repentance en ton Deut. 30. cœur, & retourneras à luy, & obeyras à sa v. 1. 2. 3. 4. 5. voix de tout ton cœur, & de toute ton âme: Ores que tu eusses esté ietté au bout du ciel, de là le Seigneur te rassemblera, & te fera posseder la terre qu'il a promise, & te fera plus grand en nombre que tes peres.

Et pource, tous Roys & Princes, grands & Rom. 6. petits, ainsi que nous auons appliqué nos v. 18. 19. membres à peché, appliquons les à viure en iustice & sainteté, & mattons nostre corps, 1. Cor. 9. à l'exemple de S. Paul. v. 27.

Mais il ne faut pas penser satisfaire à Dieu, des fautes que nous commettons par le merite de nos œuvres, reigles & confreries, par nous fouëter & aller pieds nuds & en chemise, & telles autres choses.

Car il ny a iamais eu homme, qui ait peu

satisfaire à la iustice de Dieu pour le moindre peché, quelque saincteté & austerité de vie qu'il ait menée.

An 4. 1. du
baptême
en la dist.
4. c. 4. qui
commence
• Sinec. Sainct Cyprien & le M^e. des sentences disent, quant tous les maux & tourmens que tous les hommes, Patriarches, Prophetes, Apostres, Martyrs, & Confesseurs endurerent iamais, feroient assemblez, ils ne sont pas suffisans pour le moindre peché du monde.

Il faut que nous soyons iustifiez par la iustice de Iesus Christ, ou par la nostre.

Rom. 3.
v. 23.
Ierem. 23
v. 6.
Rom. 4.
v. 25. Or ce ne peut estre par la nostre, sans mettre à neant toute nostre religion chrestienne & la sainte escripture qui dit, Que nous sommes iustifiez, c'est à dire absous deuant le iugement de Dieu gratuitement, par la grace d'iceluy, par la redemption qui est en Iesus Christ, lequel est appelé l'Eternel nostre iustice.

Il a esté liuré pour nos pechez, & est resuscité pour nostre iustification.

La mort qu'il a endurée comme vray Dieu & vray homme, a esté d'une force & vertu infinie, afin d'expier le peché, qui estoit infiny, pour auoir esté commis contre la Majesté de Dieu, qui est eternelle, immense & infinie, ce que n'eust peu faire aucune creature.

Deut. 9.
v. 5. Moysé dit, ce n'est pas par ta iustice que le Seigneur ton Dieu, te dōne ceste bonne terre pour la posseder, car tu es vn peuple de dur col.

Sainct Augustin dit, ie ne presume rien de moy, car qu'ay-ie apporté de bien que tu me feisses misericorde, & que tu me iustificasse? Sur l'Expositio du P'seau. 58.
 Qu'as tu trouué en moy, sinon des pechez tant seulement: ie n'ay rien de toy en moy, sinon la nature que tu as créé, tout le reste ce sont mes pechez que tu as effacez: ie ne me suis pas premierement leué pour aller à toy: mais tu es venu pour me reueiller, car ta misericorde m'a preuenü, deuant que ie feisse aucun bien.

Ledit S. Augustin dit encores, les Saincts n'attribuent rien à leurs merites, mais le tout à la misericorde de Dieu. Sur le Ps. 139.

S. Hierosme dit, lors nous sommes iustes, quant nous nous confessons pecheurs, & nostre iustice, n'est pas de nostre propre merite, mais consiste en la misericorde de Dieu. Aul. 1. cōtre les Pelag.

Nous sommes sauuez dit S. Paul, nō point par œuures de iustice que nous eussions fait, mais selon sa misericorde: si c'est par grace, ce n'est plus par œuures, autrement grace ne seroit plus grace, c'est don de Dieu, affin que nul ne se glorifie. Ephes. 2. v. 8. 9.

Iesus Christ prenāt sur soy la peine de nos pechez, & non la coulpe, a effacé la coulpe de nos pechez & la peine. S. Aug. ench. c. 113. de verb. d. ser 31. S. Pierre & Isa. 53.

La grande bonté de Dieu, ne baille point pardon à moitié: car quant tu viens à luy avec larmes & pleurs, il te dōnera tout ou riē. Au canon du Pape en la glose du baptisme ch. Maiores causa.

Le M^e. des sentences dit, que Iesus Christ

Le 3. Sen. a prins nostre simple, affin qu'il consommast
 d. 15. c. nostre double qui est la peine & la coulpe.
 illud. Nous sommes continuellement arrousez
 Heb. 9. du sang de Iesus Christ, lequel n'est iamais
 v. 24. figé, ains tousiours frais pour estre espandu
 Ibid. 10. sur nous pour nous lauer & nettoyer de tou-
 v. 20. tes nos ordures, quant nous serions aussi
 rouges que escarlate, il nous fera aussi blanc
 que neige.

Gen. 17. C'est la robe odoriferente de nostre fre-
 v. 15. re aîné, que nous pauvres pecheurs devons
 S. Ambr. vestir pour obtenir la benediction de nostre
 aul. de Ia- pere, & non les robes dont ces confreres &
 cob, de la sectes de diuerses couleurs, se vestent & des-
 vie bien guisent, ce qu'ils font ayans le zele de Dieu,
 heureuse. mais non point selon science, d'autât que ne
 Rom. 16. cognoissans point la iustice de Dieu, ils cer-
 v. 3. chent d'establiir leur propre iustice.
 S. Aug. des paro-
 les del'A-
 post. ser. 2

Si quelqu'un vouloit dire, que les calami-
 tez & miseres que nous endurons en ce mô-
 de à cause du peché de nostre premier pere,
 sont autant de recompenses enuers Dieu
 pour nos fautes, à bon droit on l'estimerait
 estre despourueu d'entendement.

Car il y a grande difference de dire, nous
 endurons pour nos pechez, & dire nous sa-
 tisfaisons pour nos pechez.

Il ny a que Iesus Christ seul qui ait satis-
 fait pour nos pechez, comme il a esté dit.

Au sermō S. Chrysostome, Le Seigneur nous punyt
 de la pen. de nos fautes, non point pour prendre quel-

que recompense de nos pechez, mais en nous aduisant pour l'aduenir, à corriger nos fautes.

S. Paul dit, Quand Dieu nous afflige, il nous corrige, il reprend & chastie ceux qu'il ayme, comme vn pere l'enfant. Prou. 3. v. 12. Heb. 12. v. 5. 6. 7. 8.

Si donc nous sommes sans chastimēt, nous sommes bastards & non point fils.

Bien heureux est l'homme, qui est chastié par le seigneur, dit Iob. Iob. 5. v. 17.

Il m'a esté bon d'auoir esté affligé, pour apprendre tes commandemens, dit Dauid. Pse. 119.

Comme il est besoin que le raisin, soit foulé & pressé au pressouer, auant que le vin sorte, aussi est-il besoin que les Chrestiens, soient esprouuez par le feu de la fournaise de tribulation.

Il nous faut esperer la retribution des bonnes ceuures, mais ce n'est pas par vertu de l'ceuvre faicte, ains par vertu de la promesse gratuitement faicte aux bonnes ceuures faites en foy.

Autrement les Turcs, les Iuifs, & autres infidelles, seroient sauuez par les bonnes ceuures qu'ils font.

Mais nul n'est agreable à Dieu, que par Iesus christ, nul ne va au pere, sinon par le fils. Iean 14. v. 6. S. Aug. en ses quin-

L'oraison qui n'est faicte par Iesus christ non seulement elle n'efface les pechez, mais elle mesme, est peché. sur le Pse. 108. Rom. 10. v. 5. 6.

Iesus christ est mort pour tous ceux qui le

receuront parfaict obseruateur de la loy, & parfaict satisfacteur deuant Dieu pour eux, & c'est ce qu'on appelle la iustice de la foy.

Gal. 3.
Ibid. 4.
v. 30.

Il nous faut estre enfans de promesse & non de la loy, car si nous sommes enfans par la loy, nous serons mis hors de la maison comme enfans de la seruante Agar.

Rom. 9.
v. 8.

Mais si nous sommes enfans de la promesse, nous serons heritiers avec Isaac fils de la libre Sara.

Gal. 3.
v. 22. 28.

Si la loy eust esté donnee pour pouuoir iustifier, la iustice seroit de la loy: mais l'escripture a tout enclos sous peché, afin que la promesse par la foy de Iesus christ, fust donnée aux croyans.

Ibid. v. 23.

Or la foy, est ioincte avec l'esprit, & c'est pourquoy l'Apostre demande aux Gallates, auez vous receu l'esprit par les œuvres de la loy, ou par la predication de la foy?

Sans la vertu du saint Esprit, la foy ne pourroit estre engendree en nous, il est appelé l'Esprit de foy, d'autant qu'il en est l'auteur, & de toutes nos bonnes œuvres.

4. I. 1. 1. 1.

no. 1. 1. 1.

Ephes. 2.

v. 10.

Mat. 26.

Le saint Esprit est comparé à l'eauë, laquelle espanduë sur vne terre seche & arride, faict germer & fructifier les semences, qui sont les bonnes œuvres.

Nous sommes creéz en Iesus christ à bonnes œuvres, afin que cheminions en icelles.

Dieu iugera l'homme, s'il a eu foy, par ses bonnes œuvres, & tant plus il abondera en

foy, & par consequent en bonnes œuures, il
receura plus grand loyer, & pource saint Rom. 2.
v. 6.
Paul vse de ce mot, selon, & non pas, pour
cause: car le mot regarde le nombre & quan-
tité.

Toutesfois les bonnes œuures, ne confi-
stent pas non plus que la penitence en ces
regles & confreries & telles autres choses Prou. 3.
v. 7.
Rom. 12.
v. 16.
inuentees au cerueau des hommes, sans la
parole de Dieu: car il deffend de faire ce qui
nous semble bon & droit deuant nos yeux,
pour son seruice & nostre penitence, ains Deut. 12.
seulement ce qu'il cōmande affin qu'il nous
soit bien & à nos enfans à iamais.

Tout m'est loisible dit saint Paul, mais 1. Cor. 6.
v. 12.
tout n'est pas expedient, & n'edifie pas.

L'homme prend plaisir aux choses exter- 2. Cor. 4.
nes, vaines & corruptibles, à cause qu'elles
sont semblables à luy, & aprochent plus pres
de sa nature, que les choses celestes & diui-
nes, lesquelles il ne peut comprendre, ny ay-
mer, s'il n'est regeneré du saint Esprit.

Quant on oste les choses visibles & corpo-
relles à l'homme, pour l'attirer aux choses
inuisibles, il luy semble qu'on luy oste Dieu,
ce qu'il ne penseroit pas, s'il n'y mettoit sa
fiance, ou lieu de la mettre en Dieu.

Et pource il est dit, que tels hommes sont Rom. 1.
v. 21.
vains en leurs discours, leur cœur est desti-
nué d'intelligence, & est remply de tenebres. Rom. 1.
v. 28.

Que ainsi qu'ils n'ont tenu compte de co-

gnoistre Dieu, & n'ont point receu la verité pour leur salut, ainsi Dieu les a liurez en vn esprit despourueu de tout iugement & leur a enuoyé efficace d'erreur pour croire au mensonge, & faire choses qui ne sont nullement conuenables.

2. Theff. 2.
v. 3. 4.
10. & 11.

Aussi pour estre séduits par l'homme de peché, le fils de perdition, qui est aduersaire contre tout ce qui est dit Dieu, ou qu'on adore, iusques à estre assis au temple de Dieu, comme Dieu, se monstrant foy mesme qu'il est Dieu.

Matt. 24.
v. 15.
Marc 13.
v. 14.

C'est ceste abomination assise au lieu sainct, où elle ne doit point estre, qui lit. l'entende, dit, Iesus christ.

Leuit. 4.
& 5.

L'ignorance de la congnoissance de Dieu, & de sa parolle, est tellement desplaisante à Dieu, qu'il ordonna à Moïse, que quiconque auroit peché par erreur ou ignorance, qu'il offrist les oblations & sacrifices d'escrits au Léuitique tant pour le prince, le sacrificateur, que pour le peuple.

S. August.
56. serm.
faict aux
freres es-
tans en
solitudes.

Esaie 5.
Glee 4.

Celuy qui ne tient conte de lire les saintes Escritures, doit craindre non seulement qu'il ne reçoïue les retributions éternelles, mais aussi qu'il n'eschappe point les peines éternelles. Le Prophete avec grand duél crie: Mon peuple à esté mené en captiuité, pource qu'il n'auoit point de science: car qui ignore, sera ignoré: Celuy qui ne tient compte en ce monde de chercher Dieu par diuines lectures

Dieu

Dieu ne le daignera cognoistre en l'eternelle beatitude, & vn peu apres il dit: Nous deuons aussi ouyr avec soing & crainte ce qui est escrit en Salomon, Qui destourne, dit-il, son oreille d'ouyr la Loy, son oraison sera abominable: Qui veut donc estre exaucé de Dieu, doit premier ouyr Dieu: Car, cōment veut il que Dieu l'exauce, veu qu'il le mesprise tant qu'il ne daigne lire ses saincts commandemens? Et quest-ce mes freres? aucuns Chrestiens, & qui pis est aucuns mesmes du Clergé, quant ils se veulent mettre en chemin, ils ordonnent que pain, vin, huile & autres choses necessaires leur soient preparees, Et puis que chacun apreste tant de choses au chemin terrestre pour nourrir sa chair, pourquoy n'a-il soing de lire vn si excellement liure, duquel son ame soit eternellement refectiōnee.

Sainct Chrysostome, dit, que c'est vne chose absurde, voir tous ouuriers cōbattre chacun en sa profession, pour rendre raison de son art, & que le chrestien ne sache rendre raison de sa religion, suyuant ce qu'il nous est commandé par sainct Pierre, & que cest ce qui empesche les infidelles de recognoistre leur erreur.

Il ne s'agist, dit-il, entre les ouuriers que d'argent, mais entre les chrestiens il est question de l'ame & du salut eternal.

Theophilacte, si tu veux que tes enfans te

soyent obeissans, instruy les en la parole de nostre Seigneur, & ne dy point que c'est à faire aux moynes seulement de lire les escritures diuines, car elles appartiennent aussi bien à vn chacun chrestien, mesmement à tous ceux qui conuersent & negocient au monde; l'Euangile n'est couuert qu'à ceux qui perissent esquels le Dieu de ce siecle a auéglé les entendemens.

2. Cor. 4.
v. 3. 4.

Le fondement de la Religion chrestienne, est de croire; mais ceste creance n'est pas vne opinion & credulité legere; de tout ce qu'on nous pourroit mettre en auant.

1. Iean. 4.
v. 1.

Il faut esprouuer les esprits s'ils sont de Dieu, & leur doctrine, si elle est conforme à la parole de Dieu.

Matt. 16.
Galat. 5.
v. 9.

Car nous deuons soigneusement garder du leuain des Pharisiens, sçachans que nous n'en sçaurions si peu mesler avec la bonne paste, qu'elle n'en soit corrompue.

Sur saint
Iean 46.
traicté ch.
10.

Saint Augustin dit, que les pasteurs sont assis en la chaire de Moysé, s'ils enseignent la parole de Dieu, il s'ensuit que Dieu enseigne par eux, mais s'ils enseignent ce qui est de leur, ne les vueillez pas ouyr, dit-il, & ne le faites pas, car telles gens cherchent les choses qui leur sont propres, & non celles de Iesus Christ.

1. Cor. 5.
v. 10.
1. Iean 4.
v. 5.
Iean 10.
v. 4.

Ils sont du monde, & pource parlent ils du monde, & le monde les escoute; mais les brebis de Dieu, oyent, cognoissent sa voix & le suyuent.

Jeremie dit, que Dieu reietera arriere loin I ercm. 14.
 & fera uisitation sur le prophete & prestre v. 15. 16.
 qui auront seduict le peuple par mensonge &
 miracle, ayant propose autre chose que ce
 qu'il commande.

S. Paul dit, prenez garde que nul ne vous Collof. 3.
 surprenne par la Philosophie & vaine dece- v. 8.
 ption, selon la tradition des hommes, selon
 les rudimens du monde, & non point selon
 Christ.

Et dit encores, les ordonnances des hom- Collof. 2.
 mes, perissent par l'usage, lesquelles toutesfois v. 22. 23.
 ont quelque espece de sapience & deuotion,
 avec humilité d'esprit, en ce qu'elles n'espar-
 gnent le corps, & n'ont aucun esgard au ras-
 sement d'iceluy.

Mais Iesus Christ tranche tout, disant, que Matt. 15.
 en vain on le sert enseignant pour doctrine, v. 9.
 commandemens des hommes, & que toute
 plante que son Pere celeste n'a point plantee,
 sera arrachee.

Sainct Hilaire dit, que toute tradition hu- Sur saint
 maine, doit estre defracinee sous faueur de Matt. Ca-
 laquelle les pasteurs ont transgressé les com- non 14.
 mandemens de Dieu, & les dit estre les con-
 ducteurs des aueugles, promettās le chemin
 de la vie eternelle, lequel ils ne voyent pas
 eux mesmes.

Pour se garder donc du leuain des Phari-
 siens, & d'estre aueuglez par les aueugles, &
 de tomber avec eux en la fosse, il nous faut

estre instruits en la doctrine de Iesus-Christ, qui est la lumiere du monde, & demeurer fermes és saintes lettres, lesquelles nous peuvent rendre sages à salut, ainsi que disoit saint Paul à Timothee.

1. Timot.
3. v. 14.
15.

Gall. 1.
8.9.

Et nous souuenir aussi, de ce qu'il dit aux Galattes, pour tous chrestiens que quand luy ou vn Ange du ciel viendrait, pour nous annoncer autre chose, ou autrement que ce qu'il auoit annoncé soit maudit.

Au sermō
du saint
Esprit.

Saint Chrysostome dit, que si on nous apporte sous le tiltre du Saint Esprit quelque chose qui ne soit contenu en l'Euangile, ne le croyons pas: Car comme Christ est l'accomplissement de la loy & des Prophetes, aussi est le Saint Esprit de l'Euangile.

Sur le 4.
de la 1.
aux Cor.

Saint Cyprien dit, que ce qui n'est enseigné par les Apostres, est plein de meschaceté.

In Moral.
Reg. 80.

Saint Basille dit, que tout ce qui n'est de la foy, est peché, & la foy est par l'ouye de la parole de Dieu. Sans doute, dit-il, veu que ce qui est hors de la sainte esriture, n'est pas de la foy, il est peché.

Rom. 10.
v. 17.

Ce qu'il a prins de saint Paul, qui dit, que tout ce qui n'est de la foy, est peché, & que la foy vient de l'ouye de la parole de Dieu.

Au li. de
l'Oraison.

Tertulien dit, s'il se faict quelque chose sans l'autorité & enseignement de Iesus-Christ ou de ses Apostres, il le faut reputer superstition & non pas Religion.

Luy mesme, nous n'auons besoin apres Ie-
sus-Christ d'aucune curiosité, ne d'enqueste ^{de prescr.}
apres l'Euangile, quant nous croyons, nous ^{heret.}
ne desirons pas croire dauantage, car nous
croyons dès le commencement, qu'il n'y a
rien outre cela, qu'il nous faille croire.

Sainct Chrysostome; quant vous verrez ^{Sur le 24.}
l'heresie meschâte, estre debout es lieux saints ^{de S. Mat.}
de l'Eglise, lors que ceux qui sont en Iudee ^{hom. 9. &}
fuyent aux montagnes, c'est à dire, dit-il, que ^{49.}
ceux qui sont chrestiens, se retirent aux escri-
tures, car il n'y a autre preuue de la chrestie-
té, ny autre refuge des chrestiens qui vou-
dront cognoistre la verité de la foy, sinon es
escritures diuines.

Luy mesme, exhortant le peuple duquel il ^{Sur Gen.}
estoit pasteur, ie vous prie affectueusement, ^{hom. 29.}
que vous veniez souuent icy, & que vous
oyez & entendiez diligemment la leçon de
l'escriture diuine, non pas seulement que vous
veniez icy, mais que vous preniez en vos
mains quand vous estes en la maison la sainte
Bible, & que vous receuiez d'un grand desir,
le profit qui est en icelle, car de là vient un
grand gain.

Ce grand gain & profit, est l'heritage de la ^{Iean 20.}
vie eternelle; par le moyen de ceste confrerie ^{v. 17.}
de Iesus Christ, laquelle & les reigles, vœus &
promesses d'icelle, nous voyons en ladite Bible.

Mesmes en ce qu'il dit à la Magdeleine, va
à mes freres, & leur dy ie monte à mon pere,

& à vostre pere, à mon Dieu, & à vostre Dieu.
 Je vous seray pour pere, & vous me serez
 pour fils & filles, dit le Seigneur tout puissant,
 & plusieurs autres tesmoignages, aucuns des-
 quels sont en ce traitté.

2. Cor. 6.
v. 18.

Iean 3. v. 1.
2. 3.

Sainct Iean dit, bien-aymez, nous sommes
 maintenant enfans de Dieu; Ce que nous fe-
 rons, n'est pas encores apparu, & nous sça-
 uons que quant il apparoiſtra, nous serons
 semblable à luy, car nous le verrons ainsi qu'il
 est, & quiconque a ceste asſurance en luy, se
 sanctifie, comme aussi luy est sainct.

Rom. 8. v.

14.
Ibid. v. 17.

Tous ceux qui sont menez de l'esprit de
 Dieu, sont enfans de Dieu, & ce mesme esprit
 rend tesmoignage à nostre esprit, que si nous
 sommes enfans, nous sommes donc heritiers.
 Heritiers dis-ie de Dieu, & coheritiers de
 Christ, si nous souffrons avec luy, afin que
 soyons glorifiez avec luy.

1. Cor. 2.
v. 14.

Cecy n'est pas tant aysé à croire comme la
 chose est veritable, car l'homme animal & sen-
 suel, non regeneré, ne cõprend point les cho-
 ses qui sont de l'esprit de Dieu, par ce qu'elles
 luy sont folle, & ne les peut comprendre,
 d'autant qu'elles se discernent spirituellement.

Nous sommes aussi tât fragilles, que ne fai-
 sons que chanceler, ayans moins d'arrest que
 l'argent vif, & ne nous pouuons reposer du
 tout sur la parole de Dieu.

Nous nous fierons bien en toutes les inuē-
 tions & doctrine des hommes, & ny a riē qui

no^e empesche de suyure leurs reigles & cōfreries, pleines d'idolatries, superstitions, & abus.

Mais quant Iesus Christ, qui est la verité ^{Genese. 3.} mesme, nous offre sa fraternité. Nostre nature & Satan s'efforcent d'y resister, & empeschent que nous n'y croyōs, Comme nos premiers parens adiousterēt plus de foy à Satan, qu'à Dieu, sous l'esperance qu'il leur donna d'estre plus parfaicts.

Or celuy qui n'adiouste point de foy à Dieu, le fait entant qu'à luy est menteur, & ^{1. Iean. 5. v. 10.} celuy qui le fait tel, le nyc estre Dieu, est pire qu'un infidelle, & est hors de tout espoir de salut.

Il n'est Chrestien que de bouche, n'ayant point en foy-mesme ceste resolutiō, que Dieu soit son pere, ne que Iesus Christ soit son frere. ^{Ibid.}

Car tout ainsi que Iesus Christ est fils de Dieu de nature & origine, aussi sommes nous enfans de Dieu par adoption & grace, & par consequent heritiers de Dieu, succedans aux mesmes biens, que nostre Sauueur Iesus Christ.

Partant faut que chacun s'examine, si quād il prie Dieu, Il pense à ce qu'il dit, & que veulent dire ces deux parolles, Nostre pere, Qu'il s'interroge que dit ton cœur? s'accorde il biē à ce que ta bouche profere? es tu bien resolu que tu es enfant de Dieu?

Car veu que ceste confrerie, est l'œuvre de

Matt. 22.
v. 31.
1. Jean. 5.
v. 16. 20.

Dieu seul, & en laquelle nous sommes enregistrez & enrollez par le baptême, & nourris du pain benist d'icelle, descendu du Ciel pour nous donner la vie eternelle; il faut necessairement (si nous ne voulons encourir l'ire de Dieu) que nous gardions de reietter ce qu'il nous offre, de peur que ne tombions en vn peché irremissible, que nous appellons peché contre le S. Esprit; d'autant que nous nous priuerions de la grace de Dieu.

Dieu, aussi, ne se vangeroit il point de ce que nous aurions tous les iours barboté l'Oraison Dominicale, & le Symbole de nostre foy, sans aucune intelligence, sans y mettre nostre affection, sans que nostre esprit y pense? suyuant ce que dict saint Paul, ie prieray d'esprit, mais ie prieray aussi d'intelligence, ie chanteray d'esprit, mais ie chanteray aussi d'intelligence.

Il faut d'oc que nous embrassions de cœur & d'affection, la foy en Dieu, & en son fils Iesus Christ, lequel nous promet, qu'il sera nostre frere; sans auoir esgard à aucun merite, ne nostre dignité, & ne faut pas que nous en ayons aucune defiance, ne doute, car saint Iaques dit, que l'homme incertain ne doit rien attendre de Dieu, de tout ce qu'il luy demande.

Iaques 1.
v. 6. 7.

Matt. 14.
v. 30. 31.

L'exemple en est en saint Pierre, auquel Iesus Christ ayant commandé descendre de sa barque & venir à luy par dessus l'eau, le fist, mais

mais lors qu'il fut à-my chemin, & que les vents & les vagues s'enflerent, il commença à auoir peur & s'enfondrer dedans l'eau, en danger d'estre noyé. Cela fut cause de le faire crier à Iesus Christ, qu'il le sauuaſt. Surquoy Iesus Christ pour luy faire entēdre l'occasion de cela, luy diſt, ô homme de petite foy, pourquoy as tu doute? Cōme s'il luy euſt dit que l'occasion du danger où il ſe trouuoit, prouenoit de ce, qu'il ne s'eſtoit pas du tout aſſeuré ſur ſa parole qu'il luy auoit ditte, & aux autres Apoſtres, Que s'ils auoient foy autant gros qu'un grain de ſemence de mouſtarde, Matt. 17.
v. 20. ils diroient à ceſte montagne trauerſe d'icy, là, & elle trauerſeroit, & rien ne leur ſeroit impoſſible.

Sainct Iean dit, ie vous eſcrits ces choſes, Iehan 3.
v. 22. afin que vous ſçachiez que vous auez la vie eternelle, Vous qui croyez au nom du fils de Dieu. Et ceſte eſt l'aſſurance que nous auons enuers Dieu, Que ſi nous demandons quelque choſe ſelon ſa volonté; Il nous oyt, & ſi nous ſçauons qu'il nous oyt, Quoy que nous luy demandions, nous ſçauons que nous l'obtenons. Iehan. 5.
v. 14. 15.

Or ceſte aſſurance, eſt de la foy, laquelle Rom. 8. v.
28. il baille à ceux qu'il a auparauant cogneus, Ibid. v. 29. leſquels il a predeſtinez à eſtre faiçts conformes à l'image de ſon Fils, afin qu'il ſoit le premier nay entre pluſieurs freres. Et ceux qu'il a predeſtinez il les a auſſi appellez, & ceux

qu'il a appelez il les a aussi iustifiez, & ceux qu'il a iustifiez, il les a aussi glorifiez.

Ne pretendons donc pas obtenir la remission des pechez par nos propres œuvres, reigles & confreries & autres inuétions, que les ignorans pensent meritoires & satisfactoirs, fondans sur icelles leur iustification: Mais bien par ceste reigle & confrerie de Iesus Christ.

Philip. 3.
v. 5. 6. 7. 8.
9. Sainct Paul aux Philippiens, reiette & condamne tous ses merites, iustifications & sainteté de vie qu'il auoit en son Iudaïsme, disant, selon la reigle j'estois Pharisien, Hebrieu des Hebrieux, Israëlite de race, de la tribu de Benjamin, estant irreprehensible selon la Iustice qui est en la loy: Mais ce qui m'estoit à gaing & aduantage, ie l'ay reputé à dommage pour l'amour de Christ: J'estime vraiment toutes choses estre à dommage, pour l'excellence de la cognoissance de Iesus Christ monseigneur, pour l'amour duquel j'ay reputé toutes choses à dommage, & les tiens comme fiente, afin que ie gaigne Christ, & que ie soys trouué en icelle, n'ayât point ma iustice qui est de la loy, mais celle de la foy, à sçauoir la iustice qui est en la foy.

Ephe. 2. v.
3. 4. 5. Ce que sainct Paul magnifie tant la Iustice que nous auons de ceste foy, & qu'il abbaisse la iustice de la loy; c'est pour ce qu'il n'y a rien en nous qui nous puisse faire enfans de Dieu; ainsi qu'il se voit par les tesmoignages

de la parole de Dieu.

Et partant, on ne doit pas tant faire d'honneur aux bônes œuures de dire qu'elles nous facent enfans de Dieu, & qu'elles meritent la remission des pechez & la vie eternelle.

Saint Augustin à Paulin ep.
106.

Rom. 5.

Tite 3.

Tertulien en l'Apologetiq.

Les bonnes œuures font de la grace, & non pas la grace des œuures, il faut abonder en bonnes œuures, mais non pas presumer d'icelles, d'autant que nous n'auons rien, que nous n'ayons receu.

Ayons en memoire, ce que Iesus-Christ dit, quant vous aurez fait tout ce que ie vous commande, dites, nous sommes seruiteurs inutiles ce que nous deuions faire, nous l'auons faiât.

Luc. 17. v.

10.

Et ce qu'il dit ailleurs, resiouys toy mon frere, tes pechez avec la mort ont esté vaincus en moy, car tout ce que i'ay faiât, ie l'ay faiât, pour l'amour que ie te porte.

De là vient que saint Paul d'une si grande hardiesse & confiance se mocque du peché & de la mort, & les despise, en disant, ô mort, où est ton aiguillon ! enfer, où est ta victoire ! mais qui est ceste victoire ? d'où viêt elle ? qui en est l'autheur ? à Dieu ; dit-il, soit rendue grace : qui nous a donne victoire par nostre seigneur Iesus Christ.

Osée 13.

v. 14.

1. Cor. 15.

v. 55. 57.

Quand nous craignons, chégeons de couleur & tremblons, lors qu'on nous parle de la mort, & d'enfer, c'est signe que nostre foy est encores bien petite.

Hebr. 13.
v. 15. 18. Parquoy nous deuons estre incitez à prier Dieu ardemment, & sans cesse demander l'aide de Dieu, & requerrir les prieres de nos freres, pour augmenter nostre foy à l'exemple des Apostres.

Sur Gene-
se hom. 5.
tome 6.
c. 1. Ne soyons point negligés, dit saint Chrysostome; à nostre propre salut, Que nostre parole soit de choses spirituelles, & que l'un prene en ses mains le liure de Dieu, & qu'en appellant ses prochains, il arrouse de diuines paroles son ame, & de celle des assistés, afin que ainsi nous puissions chasser les trahisons & aguets du diable.

En ce faisant, Dieu augmentera nostre foy, laquelle nous mortifiera à tout péché & engendrera en nous droite penitence, qui nous fera produire de bonnes œuvres & charitables qui luy seront agreables, par nostre Seigneur Iesus-Christ, car le principal œuvre du chrestien apres l'amour de Dieu, est charité selon que la décrit S. Paul aux Corinthiens 13. chap. de la premiere Epistre.

1. Cor. 1.
v. 10. Nous ferons soigneux de garder l'vnité d'esprit par le lien de paix, afin qu'il n'y ayt point de diuision au corps, ains que les membres
Ephes. 4. v.
3. 13. 14.
15. 16. 17. ayent vn soin mutuel, priés en tout temps les vns pour les autres, ayans les reins ceints de verité, & estans vestus du halecret de iustice, les pieds chauffez de la preparation de l'Evangile de paix. Prenés le bouclier de la foy pour esteindre les dards enflammez du malin: aussy le heaume de salut & le glaive de l'esprit,

qui est la parolle de Dieu. Ce sont les armes de Dieu pour resister en ces iours mauuais & demeurer fermes en ceste reigle & cōfrerie.

Nous fuyrons & detesterons toutes autres reigles sectes & confreries comme contraires à ceste reigle & confrerie de Iesus-Christ, reprouuees & condamnées par les loix diuines & humaines, forgees par les Idolastres & superstitieux, qui n'ont apporté & n'apportēt que ligues, diuisions & monopoles entre les chrestiens qui n'ont qu'une reigle & confrerie de & sous leur chef & patron Iesus Christ, fuyuant ce qu'il dit luy mesme qu'il prioit pour tous ceux qui croiroient en luy, afin qu'ils fussent vn, ainsi q̄ son pere est en luy, & luy en son pere, afin qu'ils soient vn en Dieu.

1. Cor. 12
v. 25.

*Nous sommes tous issus d'une origine,
Tous engendrez de semence diuine
Par ce grand pere à tous hommes commun
Qui veut aussi que nous soyons tous vn.*

Quiconque n'est de ceste vniō, il n'est pas, confrere ne mēbre du corps de Iesus Christ, qui est l'Eglise hors laquelle il n'y a point de salut.

1. Cor. 6.
v. 15.

Nous n'auons qu'un seul Dieu, qui est le pere duquel sont toutes choses, & nous en luy : & vn seul Seigneur Iesus-Christ par lequel sont toutes choses, & nous par luy.

1. Cor. 8.
v. 6.

Et se faut bien garder de dire, ie suis de Paul, ou d'Apollōs, ou de Cephas, & l'autre de Christ, car Iesus Christ n'est pas diuisé.

Ibidem 1.
Cor. 1. v.
12. 13.

S. Aug. sur
l'Epist. S.
Iehâ trai-
cté 2.

Mais au nom de qui sont les pechez par-
donnez? est-ce par le nom d'Augustin, Donc
ce n'est pas aussi par le nō de Donatus, ce n'est
pas aussi par le nom de Paul, ne par le nō de
Pierre: En charité la mere enfantant les petits
enfās, ouvre ses entrailles en l'Apostre à ceux
qui diuisoient l'Eglise, & qui desiroient faire
plusieurs parties de l'vnité, & par paroles rōpt
aucunement ses paroles, & pleure ceux qu'il
voit estre emportez hors, & rappelle à vn nō
ceux qui se vouloient faire plusieurs noms, &
les reboutte arriere de son amour, afin que
Christ soit seul aymé, & dit, Paul à il esté cru-
cifié pour vous? Ou estes vous baptisez au nō
de Paul? Que dit-il? Je ne veux pas que soyez
à moy, mais que vous soyez avec moy: Nous
sommes tous à celuy qui est mort pour nous,
lequel à esté crucifié pour nous.

Ibid. 3. v. 8

Ceux qui ont planté & arrousé, ne sont
que seruiteurs & dispensateurs de la parole
de Dieu, chacun desquels receura son propre
salaire.

Ibid. v. 2

Soit Paul, soit Appollos, soit Cephas, soit le
monde, soit la mort, soit les choses presentes,
soit les choses à venir, tout dis-ie est à vous, &
vous à Christ, & Christ à Dieu.

Partant toutes autres reigles, sectes & con-
freries, que celle de Iesus Christ, doiuent e-
stre reiettees, cassées & abolies, d'autant mes-
mes qu'il est assez congneu par les histoires,
& ce que nous auons veu & voyons de nostre

temps, qu'elles ont amené & peuuēt encores
amener des ligues, conspirations, meurtres &
empoisonnemens en la personne des Empe-
reurs, Roys, Princes, & Magistrats, trahisons,
diuisions & monopoles contre leur estat & le
bien de la chose publique.

Et ne faut point s'arrester à la coustume &
antiquité de telles confreries, car puis que Je-
sus Christ est la verité, nous la deuōs plustost
suyure que la coustume & antiquité, ny ayāt
rien si antique que la verité.

L'erreur des peres, meres & ancestres, ne
doit pas estre suiuy, mais l'auctorité des escri-
tures & les commandemens de Dieu.

Il se faut tenir à la saincte Escriture, & non
pas aux dicts des hommes quelques saincts
qu'ils soyent.

Certainement dict S. Hierosime par igno-
rance de la loy, ils receurent l'Antechrist
pour Christ.

Il dict encores contre les Sophistes, que ba-
bil & iaserie ne doyuent estre creus sans l'au-
torité des sainctes Escritures.

Sainct Cyprian dit à Cecile: Nous ne de-
uons pas regarder que c'est qu'un autre de-
uant nous à pēse bon d'estre fait, mais ce que
Christ deuāt tous à fait: car il ne faut pas suy-
ure la coustume de l'homme, mais la verité
de Dieu, d'autant que le Seigneur parle, & dit
par Esaye: Ils me font honneur sans cause, en-
seignans les mandemens & doctrine des hō-

S. Augast.
au Bapt.
contre les
Donarist.
l. 3. c. 9.

S. Hieros.
me sur Je-
rem. ch. 9.
Au Canon
des De-
crets des
Papes di-
stinct. 9. c.
Noli. & c.
Ego. & c.
Negare
dist. 24.
quæst. 1.
c. non af-
feramus.

Sur Iere-
mie ch. 9.
Sur l'epist.
à Tite c. 1.

Au 2. l. de
ses epist.
3. epist.

Esaie 29.

Matt. 15. mes, & derechef en l'Euangille, Vous rejettez le commandement de Dieu pour establiir vostre tradition. Et pourtant cher frere si aucun de nos predecesseurs, ou par ignorāce, ou par simpleſſe, n'a pas obseruē ce que le Seigneur nous a enseignē de faire par son exemple ou doctrine: Celà luy peut estre pardonné par l'indulgēce du Seigneur, mais il ne no^r pourra estre pardonné, à nous qui maintenāt sommes admonestēz & instruičts du Seigneur, & aussi il en faut escrire lettres à nos cōpagnons que la loy Euangelique & la doctrine du Seigneur soit gardee par tout.

Ledit S. Cyprian dit encores, Si nous sommes les prestres de Dieu & de Christ, Je ne trouue pas que nous deuions plus ensuyure personne que Dieu & Christ, Veu principalement qu'il dit en l'Euangille, Je suis la lumiere du monde, Celuy qui me suyť ne cheminera point en tenebres, mais aura la lumiere de vie.


O que bien-heureux sont ceux qui oyent la parole de Dieu & la gardent.


Donne moy donc, Seigneur, que ie me la propose,

*Fay qu'à tes droites loix ie me puisse addonner,
Et en ton saint seruice à iamais cheminer,
Pour paruenir heureux à la vie immortelle
Prepatee à chacun, qui te sera fidelle.*


L. D.


F I N.














1847

